

綠天書舍存草

緣天書舍存草

嘉興 錢楷 宗範

第四卷

起已未至庚申凡古
近體詩九十二首

正月八日同人招集棲霞寺側小飲觀演燈劇二首

暄晴天與作

去聲

新年酒盞春風壓帽偏折簡挑過人日菜

尋山踏破郭門烟寺樓碧玉青蘿裏江步紅燈白舫前
贏得東皇淡相笑舞衫歌扇也逃禪

一年豐樂萬人歡放眼同民拓畫欄嵐擁翠屏圍客坐
雨收殘點護燈寒祇應法曲疑

天上何待金吾弛夜闌清興捫蘿曾未得芳塵歸戀後游
看

周歧東大令以菩提紗見贈賦謝

商飈一夜飛海南木葉吹墮山華龕詩人懷抱溢秋思華
賤不盡番兩三菩提有樹本無樹此心難效枯禪參弭懼
何來故人惠啓緘先覺清風含葉大如掌紋碎瑣筋細縈
髮痕鬢鬢潔白一片雉尾展瑩薄數疊蟬翼慙玉華刻楮
宋人拙僧房肄柿韓公熬蝕處成文豈飽蠹聲聞下筆如
食蠶強名曰紗未稱實更無方空滲墨酣得非西天貝多
樹光明無礙佛日涵祖師初來譯象載皮紙木筆窮雲嵐
移根講樹入震旦一一書盡蓮花函綠陰轉思樹頭合光
孝寺古枝毵毵六丁欲拔幾劫火到今生意猶潭潭空山
落葉遍狼藉沙彌掃地還搜探俗眼好奇遂於衲騷人墨

客珍雲藍古來繩簡變麻竹翻新製樣工巧諳書家輩出
更踵事災及絹素供幽耽織杵漿磴遍寰宇海東紙貴爭
取甘祇林叢樹逮爬剔菩提示證寧非貪顧以朽腐化有
用悟茲物理齊莊晦世無竺鳩闡經藏藝林收貯窮書蟬
風月句好吟冊滿簪花體寫石墨嬋婁羅音偶訂梵字般
若經或書茆庵儒童菩薩取材一此論可矯關佛談我來
炎微滯水驛蓬牕枯坐如瞿曇綺語不洗都自淨筆牀墨
匣爐香醺文字緣深感持贈翰墨理妙思噦哈岐東善書爲政
不傷令清白胡威絹比君也堪作詩謝聲口翻偈片眨笑
過山如蓼

自南寧至太平舟中作三首

邕南喜平曠縱目無百里三門轉江來亂峰不離咫尺紛鋪
几案排疊出屏風倚面對劃流斷股分趁雲起江行從之
俱萬折一波詭得非開闢時九州餘鬼磊攜至天南頭草
草盡填委烟雲漫弗收瘴癘亦坐此祖龍何不仁設郡日
南始

江深石爲底岸傾石爲路勢斷脉仍連衝波冒碧霧時或
突江中激流如箭注孤舟排江來百夫力齊赴崖下轟樹
梢枝格籐蘿互懸梯絙百丈解繫不容步卻後乃可脫進
咫尺倍數退也石齒齒觸船洶可懼安得鞭石鞭揮盡海
西渡吁嗟石何尤躁擾心之故天境本安閒請看沙頭鷺
大造有奇氣蒞結盡巖岫空嵌益玲瓏左右不暇覲可入

倪迂林堪攜米顛袖以此清淑鍾人文蔚然茂胡爲翰墨
士乃爾鄙且陋將毋秀者頑正坐頑者秀徒使採風人賞
心悅皺瘦文字如看山吾願砭矜胷

中秋太平試院示諸生四首

摩訶池上蕊珠收

客歲予典蜀試鎖院爲孟蜀宣華苑遺址

重引天風到此游

嶺外青山都過眼今宵明月又當頭人文交管窮南極都

會邕江據上流盤瓠諸生齊弄筆紫雲解賦廣寒秋

昨以紫雲

曲題試多
士詩賦

當場摩壘戰仍鏖令節奇文也足豪桂譜明年舉第一驪
珠真氣屬吾曹院深只合肩魚鑰門靜應無立鵠袍坐看
文光燭霄漢捫空何礙月輪高

百變聲教古來通天豈生才限域中卷軸氣能驅瘴癘文

章技合小魚蟲心期水抱壺江淨

郡治江流對抱壺故名壺城

眼愧秋

高鏡月空奪解拈來詩語古滿身香帶桂花風

今日試士詩題也

無心絳帳對瑤筵我隔慈闈路萬千但得馳驅爲

國用須留清白與人傳北風不到啣書雁西里休看跼水

鷺此夕春明應把酒衡文何處話蠻天

射棚

弓聲如雨鼓如雷放眼雲山百疊開白氍毹銀環椎髻女逢

場也看射棚來

太平試竣游郡署之清華居借觀王辛甫郡伯所藏

銅鼓時郡伯以公事赴南寧卽以寄懷二首

使君風化洽龍編兩度交南擁節翩

君曾兩使安南仰蒙純廟嘉獎擢

守是

佩犢聲名冀渤海跼事業馬文淵銷烽戶戶銀簪

叩

見義山集

賽社年年葦籥闌收得銅鞮餘好古苔花繡澀綠

沈烟

高齋水木劇清華詩酒朋簪想放衙顧我心情如看竹當
官踪跡本搏沙秋光千里同明月行色雙旌促暮鴉相對
吉金愁欲別蠻牋重拓手頻撾

銅鼓爲王辛甫太守賦

使車踰嶺西不聽朝鼓紱輜軒窮蠻荒江天富奇覽涼秋
校士來十日了丹槩詩人綰銅符西園闢慘澹闐然登其
堂看山山若鎮茶烟石墨間有器色幽間停擊聲淵淵土

蝕斑黢黢一三準徑圍尺五括面頷中銳製仿腰底虛義
取坎粟乳形肖輓觚棱界起嵌細觀脫鑿紋雷回雜花蒼
創造考何年款識泯刻鑿傳聞新息侯薦瘴軍容慘鑄成
置江中萬面洪波撼激撞震地雷風聲威賊膽沈沙神物
呵出世漁師鬻此說近無稽耳食吾未敢或云槃瓠俗家
貯此寶綱先世垂良模合范爐雲黢豐年饗田功婦子饒
有贗邨聚劇謹動十手來共擘銀簪叩駢闕雨點打菡萏
大姓多收藏少者用自飲土鼓幽籥風山峒知觀感太守
好古懷購以白金噉几案羅清華清華居太
守齋額簾外綠陰掩
投壺節客觴催花恣幽耽年年鼓太平百蠻樂醕醕我茲
三摩挲癖嗜等昌歆攫之何妨廉衆聞笑耳拚詩無擲地

聲聊取味回欖高吟當送君津鼓喧江莢

過麗江書院桄榔亭院爲前太守查儉堂中丞創建
亭額亦中丞書也今樹已拔去而亭猶存

我來不見桄榔樹聊復尋幽到此亭鼓篋書生今日盛刺

簷山色舊時青三都賦裏徵名始九漲塘邊選勝經亭外爲九

漲塘當時編種荷花今無一莖知是榕巢遺愛在榕巢先生官此時所願

將封殖勒楹銘

八月二十七日發太平

桂花香負月輪圓不見桂花十日萍漂又放船綠水秋橫鸚鵡

鏡亂峯樹合鷓鴣烟篋中新榻攜銅鼓郭外清游隔洞天

聞白雲洞之勝未游過眼江山太匆遽西風急送下流偏

王若農丈

尚珏

買舟相送談至深夜而別別後奉寄

兼簡孔雲卿秀才四首

憶昨馭盧埠船頭喜見君

承自馭盧偕至郡舟中出示尊甫恂齋先生遺稿

閒官

忙揖客別緒渴論文一部傳家集千秋衛道勛滄江試披

帙寶氣結烟雲

屬吏爲都講憐才太守心

昔主講麗江書院

道尊忘薄祿山好趁

新吟駱越扶風雅姬隅歎滯淫鄉關舊儔侶宿草渺同岑

吾鄉詩人蔣春雨明經沈惟春秀才皆已下世

鎖院門遲啟逢迎幾日疎衣襦珍語致文字賞音如墨本

飛鐘泐銅斑榻鼓徐

以太平土州飛來鐘文見示考爲會祥太慶年間製安南李乾德紀年也

又見以二銅

商量閒摧古誰借一甌書

嵐靄不成雨碧雲空水天故人希嶺外相送又江邊話舊
清明數聲_聲勞生息壤懸聲聲作吳語疑上秀州船

邕江竹枝詞八首

烏蠻灘下木客船伏波廟前賽鼓喧公子夜深游水府郎

船欲上待朝暉

伏波廟塑馬公子像土人云水漲時夜分隱隱聞傳呼聲相傳爲公子查灘觸之舟

輒壞

夜雨連番水漲涯過灘容易布帆斜無數南風吹送客牆
陰紅煞佛桑花

橫州南去接邕州邕江麗江一水流郎情安得如江水百
折千回總到頭

送郎遠過三江口愁聽猿聲萬疊山正是黃茆九月瘴莫

貪山色滯南關

鮮烹蛤蚧動盈庖金柿堆盤佐濁醪不及邕州風味美一年日日可持螯

烏攬仁含餉別情天涯滋味佐茶鎗歸來莫似餘甘子相

見無端熟又生

餘甘子一日而熟熟又復生

夢遠江南古石頭小金陵號阿誰留不知明月秋江夜何似秦淮十二樓

溪峒人家遠市囂英雄誰逞壻家寮巧言買得山鸚鵡解學蠻娘唱踏搖

舟發南寧辛甫以銅鼓見贈口占簡謝二首

雙鯉翩然下天風鏗有聲吉金來遠道笳鼓發江城利喻

同心斷謹聞瘴海清故人何以報投我比瑤瓊

自笑耽奇癖君無割愛嫌振聲緣造士受餽不傷廉好古
韓蘇讓陳風俚獠兼歸裝他日載寶氣貫虹添

將至南寧簡太守祝與亭同年

慶承

別君未中秋逢君近重九中秋月照玉尺堂鎖院高高一
尊酒牢籠明月吞江山多士文章燭牛斗麗江江上榕葉
霜順流三日催權郎邕州城外風雨節登高只道黃花黃
黃花未開心已醉一年有蟹況秋季秋去年年不可留寂
寞人間秦少游玉堂仙人今太守試訪海棠橋在否

訪黃文節公祠

南樓旣已傾墨池猶未平南山北山萬古翠公名與之長

崢嶸崢嶸四面山繞郭設郡而今城市拓城中嵐瘴朝多
陰暑蒸寒砭痞易作士慙詩書農業稀蓬心鳩面了無樂
稍識之無好訟凶爭田牒訴兩不容就中衿佩自黥桀惡
少肺腑弱者傭我來此邦司教化語言不通但嗟咤公乎
直節炳當時異俗居然感親炙可見崇寧一輩人智識尤
出獠奴下文人遷謫自古然悠悠化鶴南荒天張公守郡
始崇祀墓田祠宇嘉定季田蕪祠廢六百載榕巢興復記
猶在只今尸祝又荒土百花亭前寄粟主身後香烟一瞬
空得非詩人例窮苦搔首蒼天誰與語龍溪溪上蕭蕭雨
慶遠途中雜作八首

衝泥上下雨兼晴聽盡鈎輈格磔聲兩艇並將輿轎載山

腰間渡過忻城

渡頭鞠脰土官來山館迎賓款玉醕馬上甞餽紅奪目
人織錦稱新裁

三寨當年土姓豪四山桎梏開堂高祇今華屋無人住
候館因仍翦徑蒿

郭門將近陟高邱路曲泥黏滑似油詩句拈來風味苦
黃茅瘴雨到宜州

殘碑難覓范滂題山谷祠荒草又淒惆悵萬紅門外路
滿山蒼雨鷓鴣號

蘇門學士擅風流斷送吟魂過嶺游魚稻谿山淮海句
橫州猶是勝宜州

萬仞宮臨水一塘天然灘渙有文章生涯土物皮丹漆渥
向東門戶戶忙

嵐靄霜華點客袍百花亭外自蕭騷畫圖碧嶂還紅葉一
簇人烟指大嘈

柳州謁柳侯祠三首

文章在天地如泰山一塵榮名照千古豈不貴立身侯誠
賢刺史咄哉黨仵文昌黎一銘墓大筆力千鈞遂使俎豆
光今耀羅池濱當時走京國告者歐陽君嗟嗟賢從事附

祠旁有三從事像卽羅池廟碑所記也

青青松柏枝不見龍城柳惟餘劍銘字筆法辨跟肘傳聞
涉洞庭攜鎮風濤吼行客爭椎摹登登徹座右不知劍與

柳何者神所守墨雲荔子碑竝護燭南斗

文詞湖湘南寔始侯講畫距今二千年士類昧程尺六經
誦未完妄念科名弋語以論孟義理解半扞格安得乞侯
靈蓬心一洗易再拜爲薦馨羣言丐瀝液

攔馬驛

嶠南瑣記
作蘭麻

一江達龍城兩岸恣排嶂我愛踏青山遵陸與丁仗細緣
出腰穿高俛岡脊向攔馬稱最雄陟級不容放坡陀逮層
巔轉若螺旋狀斗絕路更無一折勢能讓讓者爲山溝淥
波江水漾枯蘆敗葦邊寒楓點霜莽天公正冬至嚴道風
雪餉幸未潦載塗登頓趾猶壯古驛憩驂駢圍爐熨斗帳
僕痛醉夢語芒屨躡雲上

永福道中寄內

別久重思作別輕挑燈定復憶王程夢回複帳圍爐夜人在寒山瘴雨行跬步相隨鄉里諺雲霄得路舊時情今朝又觸天涯感世上誠難樂事并

輓家湘船閣學夫子

客夏持

使節萬里方馳驅

楷時扈

行罕餞送違郊衢

夫子典試滇南楷隨扈避暑山莊未得送行

踰月典蜀試瞻

望星分區錦江好音卽皇華

新命敷碧雞金馬才絳帳三年儲

楷

蒙簡書任亦向嶺管

趨郵筒奉詩牘寄懷字字珠拔士十得五闡藝嶺經腴歐

陽正文體爲世文章模王正

帝親擢晉秩經帷儒春卿佐綸閣雲路行搏扶涼秋唐刺

史祖尺素忽遺予上言公凶問觸瘴病不蘇汗下氣便絕

多爲衡文劬可憐子形影全家猶在途同官視屬纊童僕
相枝梧候館奠靈匱飛緘告諸孤覽書不能竟愴懷受知

初

京師歲辛丑蕊榜聽句臚三試皆第一文運隆乾符科名

軼百代人望龍門如謝墅幸親炙楷初拜調干夫子座主謝金圃少宰耶第不

分慙散樗雲泥渺驤螻眼青終自疎西歲南宮第公實分

校除謬蒙爨尾燒濫竊鰲頭書

廷對荷甄錄通籍長安居公侍

三天直講幄弼陳謨小子職曹司簪筆佐政樞兩省跡雖
隔夙夜曾不殊丐沐召文酒暑席寒圍爐十年古歡浹通
門誼交孚瞬茲優曇鉢真靈返瀛壺清風灑襟袖歸計空
五湖遺子但一經石田茅屋無報

國未尺寸傳家鈔錙銖榮名誠不朽其奈苦如荼宜州昨

試士賢嗣訃搶呼薨薨拜相山

宜山拜相山爲宋三元馮京祖墓

山頽正

痛吾寢門爲位哭感恩淚爲枯今朝行李至問狀粗能攄
八口滯長沙輿輓衝寒途來年春水漲安流返故壙所賴
友朋力醵金卜葬圖嗟余倚天末長言當生芻詩成夜燈
盡天風泣烏烏

謝蘇潭中丞以謝蘇毓菴都督惠黃芽菜及馬詩晃

示賦謝二首

憲府風清此贈遺分腴偏我賺新詩蒼生色仗東山起白
璧心邀臘雪知肉食味回餐道後京華夢遠齟春時品題
還問蘇居士何似西湖玉版師

神駿真難此地尋喜隨良樂走驥驥櫪寧待伏安邊福鞍
不辭衰報

主心眼見政成驄馬避骨高行掃瘴雲深蜀天將士勞西
望鐵騎嘶寒尙滯淫來詩有念及標下從征白蓮教匪將士之語

送費鮑村上舍歸里三首末首兼簡孫寄圃方伯前

輩武昌

方伯出鮑村尊甫道峯先生門下歸途將假道武昌

素心難得共天涯劍外行踪嶺外移

鮑村游蜀余以典附試至蜀偕來粵西附

犬書希勞望眼飛鸞夢遠促歸期文章五管搜尋遍山水

重經閱歷奇

鮑村曾客前學使家勸堂宗伯幕

未似汀洲風景好家園高

詠白蘋詩

堂餘松桂坐青氈俗累尤憑道力捐慧業未甘靈運後

鮑村

持佛甚謹

雄心肯讓祖生先

近科已不赴試

游塵小住桑三宿別酒難

禁雪滿天差喜布帆安穩去嶺頭春到雪谿船

武昌城下定維舟星使應爲東道留君自通家逢間闊我

緣過嶺託交游峴山開府資羊叔竹馬重來戀細侯

方伯任粵

廉訪多惠政至今去思遍五管間

憑道相思似流水灘江直溯渚宮秋

中丞手書已未除夜大雪達旦志喜詩二首見貽次

韻奉答

彫繪何堪儷玉英忽勞璧彩送層城庚子山啓似送層城之璧一天粉

本豐年景百粵春嬰下筆聲來詩有春先百粵起蒼生句澤物能驅炎

瘴退詩裁合向謝庭生田家莫遣村龙吠覲土青陽好喚

耕

爆竹千家雷啟戶除夕聞雷後始作雪十年僅見喜還驚瓊投先自

條冰坐楷前詩未成而大作已快先睹白戰慙無寸鐵兵春帖農祥書玉

局梁園賦簡速枚生從教風雅沾多士星聚堂開使繼聲

將試桂林書院諸生

節使院銅鼓歌和謝中丞原韻

我昨旋車臘鼓鳴裝攜吉金樽叩聲公來摩挲古歡集語

公有鼓堂東楹公蒞粵銳意政治未暇觀覽携按試旋省以太平所得銅鼓示公因言節署堂隅有

鼓公歸始拂拭之

銅花斑古製閎麗節庭峙鎮西南坳列縣俯視

等瓦釜歸衙亟使鏗華鯨討源匡謬作歌紀鍾呂振遏雷

門驚史稱伏波定駱越振旅得自居風營還朝鑄作金馬

式善相突過東門京躍江未免志怪說

舊志言馬援自交趾歸舟載二銅鼓

躍入入桂江中不知何據

刻桐徒眩博物名廣州記載俚獠俗貴茲高

大金精明陳庭置酒集子女金銀大釵環崢嶸叩竟遺簪

主人去奚翅舍耒償深耕邊人此風至今在豐年報賽誇

豪氓葫蘆笙吹襍筒拍海羸殼節敲銅鉦流傳那便漢京

物蒐羅蠻府填縱橫遼陽金公駐使鉞九隆槃瓠方銷爭

北流獲一進

闕下潯江獻此交紛衡浮如泗磬激浪白贗非魯鼎融鑠

精何年沙沉戟枝折一朝輦致瓊簾鏗開府當時幕僚集
雅才各擅詞賦銘自爲文記輯志乘銖黍尺寸權量清碧
幢紅籀此呵護綠沉翠駁無旬旬浦珠城劍物自顯百年
如駛歲月更方今

聖化踰比景南交貢樂

天府聽

安南阮藩受封後獻土樂一部

前年苗格徹屯戍毒瘴風偃靈

臺兵公膺

異命撫百粵五聲宣豫和且平銅烏馭轉攝提格元正俶
瑞符夷庚狼脫烏澣衆謹動扶桑有柱祥光瑩政成歌詩
出金石細腰聲弱慙撞蕤赫連之鑄紹興閣鼓兮繼美光
前經

和中丞正月十四日遊七星巖飯栖霞寺二首原韻

是日予以
微恙不赴

峭風一夜振衣稜放出城東曉日升天爲名山邀使節人
先元夕開春燈星巖洞古飛仙跡佛屋雲開最上層松徑
題詩去年事客正七日偕台阿卿中丞聞
鶴村方伯孫寄圖廉訪飲此舊遊倘說我猶
能

臘前曾約共搜尋薄病爭如中酒深山色定當杯凸凹月
華遙送客登臨旌旗江市喧春市魚鳥吟心慰政心蕭坐
枉勞佳句下臥遊人到碧巖陰

和中丞上元後一日開志局於秀峯書院志事二首
原韻

翰墨功勞也不磨圖經續與訂前訛文章冠冕人咸集草
木虞衡志盡羅快睹開函先發例昨已讀志難論作史豈
殊科政成還計書成樂準辦蠻牋十手摩

羣玉英靈乞得來臨川繼見節牙開草如涑水分劉范文
有西京壓馬枚顧我採風慙奉職惟公著作會儲才它年
鳶瘴多生色芸檢新裁重外臺

和中丞試書院諸生于棘闈志事二首原韻

丹梯華月鏡新磨佳兆初梳指不訛莫學三年徒刻楮須
知一目會張羅

重申秋賦興賢榜庚辛連年舉鄉會試令甲明經拔萃科今年科試應舉選拔

燈火雞臆期努力菑畬根柢費研摩

系... 卷...
白日青春鼎鼎來決科先試筆峯開功修洗伐三三候命
中端倪七七枚矮屋誰諳裁錦手春雷豫聽籥雲材蓬萊
老宿今持節珍重培風到省臺

和中丞游疊綵山原韻

粵山多洞天北郭近游最拾級並書堂在秀峯書院之左百雉曳
如帶巖扉面空嵌靈境不容繪徑斜三折旋壁立兩已背
偃仄豁焉開夷曠目轉恠人家水木明行處尋常界正於
一竅收便超耳目外恍疑非人間不覺巖處晦回顧忽黯
黯打頭襍翳薈削鋸文似離渲赭色杳靄空門易來風俗
淪忘言坐若塊仰覲隙盤空阻絕神斧會稍西別一邱欲
往徑榛礙可惜好烟波祇少櫬頭載春陽寫暄景吟節契

梵籟試較飛來峯孰辨巫小大

題任松冷翁繩祖遺照

渺渺圖中人書名騰藝苑斷楮與零縑寶如六角扇走也
幼臨池手蹟購鄉縣一紙學三年未識先生面側聞京師
遊落筆公卿羨紗籠翠琬鐫揮灑盡賸絹有如邯鄲淳朱
邸侍文醺恨不職侍書珥豪集英殿持此三寸管青衫坐
游劬老屋想家山有客畫手擅畫圖圖未成鄉夢益眷眷
十年遲一官翻身事曹掾官閒了簿書明牕又浴硯頗思
歸去來樹色疎籬援竹梧影青燈此景畫中見鬢毛驗幾
星年光迅流電得句乃重題滄桑感幻變令子甫童州過
庭肄書便今也成老蒼薄宦滯貧賤落拓桂海邊閉門掃

白練負荷愴析薪撫卷淚如霰重念松菊荒羞澀計難善
天涯吳語親捧示題詩倩青春一刹那奄忽如激箭論譏
千古人愧無彩筆絢還憶鏡香翁淮南共游宴解衣攬霜
髭槃礴寫猶徧二老我鄉型悠悠白雲戀嶺南詩夢遙簾
風官燭顫

游隱山六洞和中丞韻

桂海藏一身日日坐烟翠出郭始見真鼓興隨所至言尋
老君龕試策隱山騎蒙溪導入門僧廊面分四其東峭壁
巉詭怪刻幽魅仄磴隱飛梯小陟天風吹青牛塑猶龍大
肖函關氣履平廣坐容函空秀骨利稍右翼虛亭春收綠
雲蔚左有澗路趨俯就忽如墜洞口榛翳蒙矚幽未窮遂

水痕宵且深欲喚潛虬睡最後一層高石隙放暄霽朝陽
納洞天顧名頗思義循崖又北行道悟一生二短約闌澄
漪折旋入奇秘北牖何清深樊桐孰所治鑑泉旁洞門漱
枕良可事靜中時一聲滴雷疎堪記昂首翠微顛無數題
名誌南軒後游人大半政聲異始知烟霞局俗吏不容蒞
俛仰今古間人事美難萃藐茲嶺西南造物鬱雲閼剔抉
尠畸人陳迹動多廢否或事理煩當官易形悴又或行景
景難得苔岑誼仰止淳熙間風流讓頭地公持太平節歲
豐政成易西湖渺畫船招隱憇勞轡閣觀縱荒烟千山儘
明媚繼踵成紀公靜契掃嘈沸作記屬從游我却武陵愧
二月十日中丞偕謁舜祠坐南薰亭憇韶音洞晚飯

署齋和韻四首

雲去蒼梧杳莫知，靈風猶滿桂江旗。
南薰一曲山神應，北渚何年帝子隨。
青似湘峯悲瑟瑟，冷繡遺黼藻想裳垂。
明都旣宅三苗格，無遠中天化若馳。

晴光無數撲簷楹，瞥眼平洲對客明。
掠岸舟遲移鏡檻，釀花風暖滯春醒。
茶香竹裡行厨淨，山翠樓頭掃黛輕。
傾耳韶鈞何處是，泉鳴鳥語一聲聲。

巖扉誰叩玉真家，閒着藤蘿冒落花。
松屋洞穿雲奧窅，桃源圖覓畫丫叉。
石橋驀地通鉏圃，溪水常時響釣車。
好唱南軒勸農曲，儻憑搏拊醉流霞。

張子守靜江有熙熙陽春勸農曲二十四首洞爲張

坐倦渾忘晝漏殘雅懷能遣酒腸寬壺觴未報歡招登蔡
莧回思糲食酸歸騎星出遲客晚謂秋暮衙風色作春寒
相從乞與驂鸞節踏遍環城萬玉巒

宋皇祐平蠻三將題名碑在龍隱巖和中丞作

重兵不宿南天豪

宋初嶺南無重兵南蠻多悖傲誰其點者儂智高孫石

先出佐經略

余靖時爲廣西經略使

垂拱未解西顧勞西河樞密抗

章去人望當年銅面具失律先斬鈴轄頭銜枚一昔歸仁

路前軍山下搏賊死白旗高麾五里霧霧開殺賊如摧枯

黃儂授首凶孥俘鯨鯢既封京觀築金龍衣在不敢誣桂

林班師詔行賞翠崖深刻題名榜推功想見第一將僚佐

轉資論勲狀學士押班合第二

孫何石全彬合書第二將獨異雲臺烟

閣上故事亦足徵東都從此妖氛掃嶺瘴第三余公今廟
祀馬將軍後功無讓巍巍龍隱書崢嶸平蠻不數韓雲卿
繡衣今來輯圖乘氈椎巖角樵敲鏗題詩高詠安邊句伶
搖僚獍泯門爭轉憶廣源倡亂始三解不得走交趾蠻奴
安識禮義閒職思首約青衿士士安絃誦民耕耰沿邊峒
田歲有秋童謠斷章翻古語農家常種糴家收

龍隱巖有陸放翁書詩境二字乃嘉定七年方信備
重刻者下刻信孺龍巖七律二首卽和其韻題後和
中丞

青眼看山載雨回片雲誰遣黑蛟催字痕老學庵中刻詩
境龍巖石上開清夢遠飛谿九曲綠苔深掃客重來

兩又從入蜀遊塵後墨妙思公滌硯埃余前年使蜀由蜀江至夔府行程皆

與放翁入蜀紀相合

東風百五渲晴霞畫舫猶孤江上花龍隱巖尚未登陟雲霧欲噴

呵石墨烟蘿刻劃想詩家翠深不泐窠尊字春好應逢醉

翹車放翁詩逢春愛翹車寄向蘇齋添韻事淋漓書法辨錐沙

和中丞署齋花鳥六詠原韻

淺淡粧成也賭春悄無言對倚闌人黃昏雨暗都疑夢院

落風輕不受塵將酒合傾銀鑿落軸簾猶映玉精神高吟

爛漫昌黎句正月相逢瘴海濱昌黎詩今日相逢瘴海邊梨花爛漫開正月

搖落年年擬遂哀江城春意恠遲回故因臘雪寒猶勒留

與詩簷笑漫催鏤石心腸憐爾瘦湖山空翠送公來春庭

玉照羅生樹莫爲蘭摧感夢魂

中丞長君殤於昨歲

梅花

火綴珠林寶燄流開時未遇蜀岡秋

蜀中山茶最盛且佳

非關北地

偏珍重

晦翁山茶詩却是北人偏愛惜

好爲南枝伴滯留絳雪香應燐寂

莫朱簾捲不礙清幽山紅狼籍知多少富貴春光讓玉樓

山茶花

前身金粟幻漚浮榮落尋常俯衆流玉宇有香能候月花

時無雨已成秋

宋人諺語一雨便成秋言嶺南氣候也

夢歸鸞嶺乘潮去仙

笑淮南舐鼎未知爲西堂占吉兆一枝春藻慰雕鏤

謂令嗣次

君桂花

四座花開卽錦茵分雛初試翠衣新縱經冰雪無寒色惟有文章可致身碧海蘭苕供琢句舞筵絲竹藉娛賓南州

聖化今翔洽不是鸞鳳也自珍

孔雀

綺羅叢裏見飛飛一樣爭春豔紫緋
火宅強持般若偈
三言難避弋人機
茶烟瑤席霏
櫳檻瘴雨朱
鳶濕羽衣聊當
山齋詩鼓吹
深藏底肯載將歸

紅鸚鵡

寄阮芸臺中丞同年四首

詔聞天末啓春顏

知遇深隆侍從班
紫陌同年今節鉞
詩人開府例湖山
從茲業在封圻大
未遣才於著作閒
我已裁書欣問訊
定歌何暮滿鄉關

清白知無易
素襟和平誰似德
悵悵黃扉地望儲
公等絳帳春聲在
士林遠志纔堪償
出處

盛朝何以贊高深生憐太瘦今應甚十郡都勞撫字心

讀書報

國是常談經世須由憲節諳青鬢福培春澤似繡衣人望
歲星堪政成把卷猶多暇癖減看山也戒貪惟有輪軒餘

贈答一尊風月想劉惔

謂信芳閣學

使堂一別過三秋忽漫天南落遠游差喜桂林無毒瘴久
離萱草未忘憂總氏未謝公來後吟情健西子湖頭客夢
幽我未能歸公正去鶯花無賴賺炎州

書柳侯廟碑後和中丞

昌黎文章坡老字世間那得有其二斷碑不合城不完侯
兮福我何多事嗚呼生爲忠臣死遷謫嶺頭客魂招不得

千秋柳館一片石到來能使英靈合英靈治我龍城陞春
船秋鶴侯不歸湖湘以南制九醜森森祠屋神所守潮州
惠州江水連蕉黃荔丹東西天瘴雲長護羅池墨夢中種
柳空江邊

寫海棠橋圖扇寄秦小峴觀察因題四絕句

石橋訪古一停驂酒幔村紅也自愁聞道詩人遷謫後橫
州山色似江南

顛風吹盡碧天霞何處園亭認祝家橋外乞誰添野屋種
將淮海舊看花

山谷西風老淚秋召還不得死藤州如江酒欲花前酌五

百年前爲洗愁

來詩有何日
無愁之句

栢州遺象記重摹述德裁詩入畫圖珍重寄君添故事瘳雲一角落西湖

書唐李昌巖平蠻碑後和中丞

有唐西原賊倡亂貞元年招討一遲滯邕管兵挈連少卿

歸款裒長慶二十九州部始定

貞元中黃少卿亂孫公器請發兵討之德宗不許俟

陷欽橫潯貴乃遣陽旻討之畧復

桂林穹碑鐫平蠻耳食

曾說衛公靖

俗誤謂此碑爲李衛公平蠻碑見舊志

使君昨登南薰亭尋碑

親剔苔痕青歸繙史籍校深夜徵文闕若勲之銘隴西縣

男防禦使遷除年月正同此潘長安者安南王得非史稱

歸國是

碑載潘長安稱安南王云云史亦不載公以南蠻傳載安南潘歸國部落內附正在此時疑卽長安

之族

撰人書人曰二韓儀曹翰林名不刊篆額尤珍少溫

法旁搜汗簡証古歡吾讀碑詞辨跟肘敢以疑義貢左右

西原不及曾領名黃儂周章一無有但稱有賊率長安元

惡就擒又誰某西原賊曾半皆黃氏碑言有西原賊率潘

也下言擒獲元況南交趾西夜郎北控黔巫連衡湘當年

賊勢殊鴟張斬首二百俘八十安能遽定五嶺疆餘人二

十餘萬口一一給牛還故鄉唐時羈縻盛邊患暫時彌亂

空周防藩鎮跋扈率坐此尾大不掉悲興亡好大喜功從

爾輩輕遣鴻辭泐山翠不然歐宋是何大手筆文簡事增

書法密萬里澄廓天光開勲在百蠻何獨佚歐公集古金

石羅豈撫星宿遺義娥書生讀書泥槃籥狂歌碑下重摩

挈桂州墨雲長不磨我誣古人山靈呵

上巳過秀峯書院課諸生雒君邀同王西園山長王
若農二尹小飲二首

羣賢授簡當清游也似山陰禊事修落瑣春風花棟子捲
簾山翠畫簷頭詩人半是瑯琊望墨妙難爲上巳酬客裏
行厨翻作主丹鉛暇爲辦觴流

睨睨稀看樹底鶯禁烟猶未過清明流杯池共裏游夢中
談蘭亭之游愛客天因放嫩晴詩有蘭亭誰卷壓酒如桂水想

官清平安試問東山老佳句應無謬不成中丞近日感冒故云

越女詠四首

雙角山仙護翠襦遠歸有曲授茵于不緣一死成千古聲

價難償三斛珠梁綠珠

雲凌

名里

不返玉環魂發盡江山淑麗痕何但明妃生長地

由來萬壑赴荆門

楊太真

秦娥何意嫁仙郎曾向容州一舸將歎息瘴江風力猛銀

箏吹斷赤金簪

秦妹

趨雪鶴騰空擁佩裾彈雲馬上握兵符鳳裘無凍綃無暑

誰寫蠻娘擺陣圖

雲彈娘

綠天書舍存草

嘉興 錢楷 宗範

第五卷

起庚申盡辛酉凡古近體詩八十首

題家文敏公山水小幀

終朝恠石巉巖裡忽見江南平遠山能使客懷忘瘴海偶
緣仙藻落塵寰吾宗才望通門契乙公爲先文端公丑所得士前輩風
流尺幅間過眼轉憐生已晚未親翰墨坐緣慳

太平土州飛來鐘歌

金精鼓橐銅官飛入江門龍騰殺機豐隆擊劍刺紐斷裏
創蝕土瘠不歸至今僵立土司界偷兒磨鉛輒遭械云何
神物此狡猶荒徼圖經失所載檢校使者非黃車足跡不

蹋明都隅大小東陽

太守王辛甫二尹王若農

能好事手攜氈蠟文新

模文稱鐘主楊景通富良刺史宏農公思琅廣源兼節度

爵階一一東都同戶屬太平爲世族高曾祖考皆勲庸帝

婚廼締壽陽主陬陞惣轄銷兵戎司凜山前架巖岳崇慶

寺開賁梵宮皇帝寶祚祝綿茂太后聖壽增延洪爰鑄此

鐘留供養用捨柒阡餘斤銅會祥太慶紀年四作記元宵

燈月中曹良輔撰楊某筆校書集賢華資崇我從紀年憶

彷彿實維安南李乾德乃父日尊僭帝制設官比似中朝

職

見桂海虞衡志

誇張炎極假二州漸稀使問羈縻絕豈如趙佗

竊號聊自娛朝廷容之坐姑息寶坊莊嚴今何在鐘矣鑄

錯字不滅南郊授朔少常姓不待天戈自相賊嗚呼往事

安足論湧幢小品談無根孰搜文字到瘴窟何況此地當年猶異域我無書史足攷稽作詩尤如寸莛擊歸攜墨本小長蘆銅鼓齋中張坐隅好借白蓮寺僧日本書東西對陳如璫璵勝讀東方先生十洲記或當閭家職貢蠻夷圖

阻風

炎官火龍驅渴虹伏陰潛起馮夸宮騰空激薄不得雨蔽虧返景扶桑東神君拔劍玉女笑土囊噫氣吹鴻濛九關勒住雨師轡三朝三暮雲將窮我貪沂流節輶傳天公勦我江流中世間萬事不可料六月行舟西北風

偶噉荔支

一晌南風破睡香紫雲爲顙玉爲漿甘腴易令食時飽聲

價多因譜後強幾日筠籠紛嶠驛有人冰雪鎮詞腸他年
倘學稽含狀衆好如何棄勿嘗

午日夜泊橫州

老淚西風山谷句海棠零落舊橫州今朝迸觸湘纍感明
月青山弔少游

依韻奉和覃溪師見寄並蘇潭中丞前輩之作二首

每望京華倚北辰南行心跡託湘筠步趨玉節仍分嶺先生

曾視學粵東

著作春華漫答賓翰墨緣尋詩境字先生以放翁詩境字書顏

齋今於桂林龍隱巖得墨刻詩境字係方信儒提刑時摹刻者老蒼交得繡衣人蘇潭中丞蠻

天忽枉新篇到落落師門氣誼真

蜀道秋光錄別辰霜華兩度見蒼筠看山興每誇鸞錄問

字書難附雁賓同是醉翁門下士況逢廬嶽畫中人

先生視學

江西楷曾作匡廬秋色圖今來粵西蘇潭先生適以江西人開府幕中胡孝廉虔有匡廬識面圖又曾爲先生題咏

者喜聞石墨都搜拓寄向蘇齋乞鑒真

中丞盡拓桂林墨刻寄先生鑒定

螢火

隨風何意颭輕紈也自熊熊近夜闌玉燭分來炎燄少前
生夢斷燒痕殘暗投自抱元燈在高照猶爭列宿寒天祿
無緣伴藜杖讀書心事案頭乾

食芡

一樣明湖鏡裏秋依依酒盞與茶甌水鄉烟雨拏菱角天
末西風到雁頭粒粟善藏芒刺裏玉盤難飣色香流平生
事事須珍重薏苡量珠謗易收

食芋

似掌陰濃葉覆田登梓猶在稻梁前秋光擔壓豐年玉人
語香煨野屋烟萬里芻蕘懷蜀道十年風味領山禪不如
生計村農足飯我羹魁豆食邊

芙蓉

瞥眼新紅破徑莎美人遲暮意如何三湘騷夢牽蘭芷一
夜霜華變綺羅

始開花白隔宿漸至深紅

寒近酒邊沉醉薄老生江上

怨秋多成都郭外花千疊轉憶西風瞬息過

蜀多芙蓉城外一色十餘

里前年使車就途匆勿過眼

題唐顯慶四年善興寺舍利石函墨榻後

并序

庚申八月廿又四日桐城胡雒君孝廉以茲榻見

示云得之萬壽寺僧者考志乘寺爲隋開元寺然則非記中善興寺遺址也石之流傳僧不能知又言寺舊藏褚書金剛經石本後爲大令某剗去按遂良正以顯慶二年謫桂州或出其手筆乎故特呵護至今使其早出與般若經並毀矣

桂州城南萬壽寺蓮花幢折牟尼函僧瓠猶寶一片石九十七字明珠嵌顯慶二年月在子善興之刹建塔始越一載餘浴佛節貳拾舍利瘞於此立銘者誰布施緣褚家書法風骨驚得非河南正遷謫蕭然鬢鬢六時禪紺宮窳堵今荒草殘字珍求唐碣少可惜金剛般若經牛角西風幾摧倒

食栗

落實霜黃皺滿林山中拾橡見森森
檣魁價重宜秋士賜果人懷報赤心
彭澤風流遺里在周官經濟饋邊尋
春明燭栗依鄰曲土銚飴香落日陰

書賀縣三乘寺南漢銅鐘榻本後

維漢紀年大寶四洪鐘鑄得乾亨寺
書列四面面四行衆緣弟子臚名字
僞庭割據紛中原嶺南制置誰其傳
此鐘一一載筆在春秋足補稗野編
西頭供奉有都監防拓應援軍事兼
內府局令賜金紫管甲指撝內承旨
是時中官七千人豈獨龔陳握乾紀
高品十將又何等左右廂都押衙並
都廳孔目勾雜糅逮領鼓鑄及表奏
都行者壽與行

首四界馬步都虞候縣曰桂嶺曰蕩山馮乘臨賀泉富川
寶城場官有知務乃與捕賊官相聯二十五人女弟子一
娘遞稱冠以氏宮中樊胡稱天使草野婦人承風旨當年
蓋海已承劉不日天兵出賀州蕭閒大夫但行樂金柱銀
殿工雕鏤孰製鯨鏗充供養秋風猶吼嶺西頭君不見元
妙觀中帝者像範銅徒笑降王長紅雲一炬門花濃紫色
鼉聲如此鐘

王辛甫太守惠肉桂簡謝

桂生在交趾取材爲上藥辛溫具甘和宜導物斯博官版
名差池箇牡辨約畧近邊地氣殊諸州產盡惡魚目易混
珠崑玉輕抵鵲千金方誤收五都市爭托太守使龍編所

見言鑿鑿出關六七驛未到昇龍郭

交藩國都名昇龍城

有地名清

華叢碧峙厓嶠坦然忽平夷曠野綠陰錯婆娑千百株絕

瘴風霜薄黎阮自構釁甲馬屯軍幕劍頭炊作薪濯濯牛

山若

國家柔遠人翦珪靖鋒鏑十稔雨露滋陳根春有脚穉枝

初卷筒圓心訝苞籜百蠻賁難致三年艾徒索適從何得

來緘贈謹局鑰云爲吾母壽吉詞臚綰綽再拜受而藏引

年愧無酢昔聞桂父僊服食齊龜鶴閭河實如棗不老長

咀嚼願言祝高堂稱觴樂復樂桂海游子心雲霄故人諾

豈但藥籠中搜村壯使橐

十月九日獨游栖霞寺登七星巖賦九言長句

是日爲余

初度

北斗元武七宿光熊能何年化石飛落瀰江東東江之水
渺瀰望不極千峯萬峯演漾青芙蓉雲根月脚獨有此山
峙譬如一佛作祖羣孫從地脉蜿蜒至此抱郭立古有飛
仙架道凌長虹連檣度索不知誰氏製橫槎一綫挽以千
鈞銅人烟盡處忽見寺門古峯迴路轉但聽溪流淥碧玉
屏風百疊障其後重樓絳闕帝使丹霞宮其東拾級行可
二百步垂茄滴乳石骨撐玲瓏洞門一望黝深繚而曲欲
往從之嗟無炬火紅神君仙人宅此億千載烟雲萬狀吐
納隨鴻濛何人昂首一一問真宰吾恐鑱奇斲秀天無功
翻身獨到碧虛亭上坐砉然一聲長嘯乘天風捫苔細尋

石壁字無數大書作銘有宋范文公日華月華君去不復
返手無斧柯何處尋樵翁試驂飛鸞上下求不到安知二
君今不居山中吁嗟換骨金丹無術致人生那得方便相
遭逢授我白玉笛暗不成弄洪梁之醞不能飲一鍾玉真
洞天三十有六所都龐勾扇多在南州封賜遍蒼巖刀圭
渺何許閬風萬里奈此九節筇我生洄流水上石渠側百
齡暫死墮落辭樊桐恒沙擾擾歷盡俗緣劫珠塵弭節偶
爾隨飛蓬去年元夕冒雪到山寺今年今日始續前遊蹤
扶持殘菊補作重九會登高把蓋惟與青山同山兮山兮
誰能似爾壽安期羨門不老歸崆峒側身天地倪如一葉
寄帝車中央倏忽成春冬北望京華卽是玉京闕捫參歷

井直與天門通天公令我手攜玉杓柄斟甘酌醴福此無
方窮不然芒屨布襪老邱壑無使移文猿鶴慙青松王喬
許遜臨官升道果日華君謂鄭冠卿語胡爲求田問舍徒庸庸巖腰
負芻顧我笑且語頗聞仙樂泠泠響碧空靈劍橋頭斜日
照江暮山中之人歸去還念念

口占寄答伊墨卿同年惠州二首

清風自何許吹我桂華堂雙鯉牂牁道美人天一方曲江
故相業南海大文章手揭唐碑字題封遠寄將

時以張曲江墓誌及

南海神廟碑
揭本見贈

轉憶春明陌雙旌奉使齊我來君典郡祇隔嶺東西此地
好山色蒼崖多舊題洞天都荔古恨不共攀躋

龍編侯墓銅瓶歌

并引

蒼梧孝廉鄧建英云庚子歲夏大雨縣多賢鄉鳳凰山麓土忽陷土人視之有路如巷秉炬入數十武路盡始見墓門凡三穴甃磚甚固磚有永和太歲庚戌莫龍編侯之墓十二字文穴外石案一陳銅瓶鏡各一點者取之出鏡誤擲地碎瓶歸某秀才藏考永和庚戌晉穆帝六年也史傳所載是時無封龍編侯者亦無莫氏而有功封侯者孝廉又云近墓有龍編侯廟今祠士燮山下莫氏子姓甚衆稱其廟爲太公廟嶺西風俗庶民相稱諱姓而但稱名至今猶然俗又稱遠祖爲太公或者卽士

燮乎余以士燮仕在三國相距已遠且史傳志乘
記載歷歷士燮尤彪炳一時豈有史佚其姓者孝
廉云然則莫氏子孫何以羣稱士燮廟爲太公廟
耶余曰此廟原名龍編廟安知非卽莫龍編侯之
廟而後人崇祀者遂以爲士燮廟耶蓋士燮則人
可考而墓不可考今莫龍編侯墓可考而人不可
考世遠年湮無如之何矣孝廉有詩記其事余亦
漫作一篇

交州刺史九十餘巍巍三士名東吳松楸已古不可識但

聞有墓留蒼梧

志乘均言士燮墓在蒼梧文獻通考蒼梧縣有士燮冢

永和相距百

年矣龍編侯者又同里勲封自在典午朝廼使其名逸青

史鳳凰山色青到今多賢鄉裡風雨深古隧狐鼯避驚鼠
墮磚一片粘苔陰懷輒掃苔循隧入石案瓶眉土花澀可
憐破鏡不重圓惟有軍持暈深碧我聞橫雲山頭冢殺義
江左陸氏衣冠多墓門封題太初字銅器二百幽堂羅有
元封生忽盜取獅蠻水滴尤珍貯稗野傳聞未信真嶺南
新事真堪伍吁嗟人生奄忽埋青山古香剩有鷓鴣斑封
侯名字何足道君不見玉魚金盃猶自出人間

中丞署齋有荔支數盆今年結實三枚以一見貽並
示新詩賦謝

開緘一握露華濡況有招涼字字珠冰雪照人無瘴癘海
山貽我到瀛壺仙根茁玉羅庭砌宦蹟驂鸞印畫圖

中丞
新繪

啖荔圖

簪裹筠籠漫持贈樹頭鮮賺嚼雲腴

七夕詞

戊午之秋七月七使車夜宿驪宮日泉聲哀咽馬嵬荒蜀
水蜀山秋瑟瑟秋風吹我來炎洲此夜年年看女牛女牛
終古遙相望人生流轉如萍浮萍蹤羸得官如水日日看
山圖畫裡山雲作雨秋暑闌清露無聲月華起月華飛過
青山頭桂江水學銀河流迢迢北斗望不極瓜果穿針何
處樓樓頭兒女巧爭乞我老無如拙增劇莫將綺語惱雙
星聊跨飛鸞紀今夕

七月三十一日陳耐齋觀察招飲榕樹樓余以足疾
復發不赴

老健輪君道力任藥鑪一昔負登臨病偏腰脚撓游約人
在樓臺印畫心秋袂幾番閒酒盞夕陽無限好山林指節
欲乞飛仙術蹋遍環城碧玉簪

題中丞蘇潭圖

蘇齋門下士蘇步井邊居移居就潭潭有廬蘇齋命名潭
曰蘇用以自號繪作圖圖中嘉樹百十株繚垣戛竹苔壓
除坐中佳士書史俱一雙仙鶴鳴相呼潭之水清可漁照
公平生如玉壺玉壺仙人朝紫樞

帝命持節山水區揚州潁州還西湖蘇公所到一一皆步
趨而今開府百粵隅蠻獠絕俗恩浹濡轉憐玉局太輒軻
不得如公宏遠謨行藏命定心跡符前賢後賢道不孤潭

之水霖雨敷公豈不思林泉娛蒼生未許東山居有田不
歸江水如東坡先生一何迂潭兮潭兮其鑑諸公曰盍歸
我曰無

送李丈

天英

歸蜀四首

家住巫雲峽雨堆壯游幾處掃吟苔天教看盡佳山水七
十詩翁過嶺來

西江令弟舊情親節使東山結契真遲我廿年塵夢醒飛
鸞今遇謫仙人

江城秋老鬢邊霜鄉縣烽烟客思忙懊惱七星巖畔石不
留佳句作重陽

秋風蜀道別三年乞取新詩爲我傳畫卷圖成君却到江

山翰墨一重緣

時余將以蜀道圖乞題

和中丞栖霞寺宴集元韻四首兼簡耐堂竹懷兩主

試

鎖闥匝月音塵隔初地今朝把臂同爭看使星捫北斗

寺在

巖下重勞飛蓋過江東八株香拾林中桂一片秋高嶺外

鴻我爲山靈乞新句掃將苔翠勒懷充

紅顏蒼髯健舉杯更教吟節走風雷江山奇秀論文似絲
竹情懷爲客開湘瑟自憐才調短舞衫未遣暮寒催碧虛
亭上還翹首應有華君駕鶴來

鹿鳴昨日宴賓心嘉會重斟菊瓊金綺陌雲多收稻把碧
寥風靜斂松音百年斗酒仙才大萬壑千巖客思侵

竹懷山陰

人爲語張侯好相勸博軒太夜闌猶未到杯深

比景蕃宣化若馳邊庭豐樂

九重知瓠歌鐃吹臣心頌峒鳥蠻花樂識詩此會去年憐
我病幾人蕭寺餞秋思相從玉節春明去飛夢江天共泝
灘

題王若農蓬萊閣讀書圖

君家世讀蓬萊書壯遊還上蓬萊閣閣中富有千卷藏把
卷高吟樂復樂朱簾一舉滄波翻齊烟九點几案環觀書
何翅望洋歎眼中雲海空漫漫神山市不可見閬風隔
斷金仙面司空城旦人間書讀破難教凡骨換日觀門高
獻賦歸一官落拓隨鸞飛瘴海十年學讀律天風猶夢吹

綠天書舍存草

卷五

士

羅衣我生足未履東海曾到鄉環窺記載誰知風輒引船
還金簡玉書空好在讀書無福生可憐舊游回首都茫然
瀛洲只在青箱裡畫圖留與清門傳

嶺西使滿還都留別諸同人四首

落手江山信有緣使車却遣到南天桂林風土原無瘴冰

署雲烟也是仙主鷺聲名慙老輩惠紅豆先生視學粵東人比之白圭振鷺雪

鴻踪跡過三年臣家壁立

君恩海茅屋新營仗俸錢余家無屋廬今積廉俸所餘始置數椽

檢校連番十郡馳三江風物我周知仙人擲米尋勾漏葛

米出鬱林州勾漏洞在北流縣境熱客滄霞摘荔支魚稻生涯鄉國似浪

花習俗峒蠻移浪花歌見赤雅陳詩記取豐年樂銅鼓聲聲舞柘

枝

巉巖絕壑懶搜奇
嶠外文章望古思
荒竹蔭陰遷客淚

滴橫州空江柳色舊侯祠
虞衡典數南交始
黨籍名餘

片石遺賴有中丞
能起廢圖經重拓百蠻碑

水月江天鑒此心
奉揚

文教愧儒林
人如石漫論多少雨
到秋還感舊今
篋裏詩誇蠻語熟
嶺頭春繫屺懷深
歸思已壓看山願
肯怨年來

脚病侵

周明府

廷俊

屬題其母秦宜人所書課孫千文墨蹟

後二首

萱淒淚雨筆成塵
遺卷巾箱蹟尙新
千字本仍周散騎
一

綠天書舍存草

卷五

七

家體合衛夫人傳經又見謀貽後餘事真猶藝絕倫安得

伏靈芝刻石硬黃摹取掃青珉

嶺外無刻碑者

一縑一字直奚如還想含飴搦管初畫荻自來惟教子簪
花無意要工書六丁取賸雲烟在萬石名緣翰墨儲筆法
從參嗟我晚幅巾拜母願終虛

和中丞周定王蘭雪硯歌

勝國諸王蘭雪硯西江詩人蘭雪詞兩字因緣感今昔二

美合自蘇齋師

江西吳孝廉嵩梁號蘭雪出覃谿夫子門下夫子適獲是硯因命孝廉作歌寄示中

丞詩成却寄南天雁眼底雲烟曾未見洛陽烽火汴宮秋

水沒苔深存一片高皇諸子數多才朱邸書堂爲客開如
何復爵增封後又向京師謝罪來泰山作礪奚如石玉蟾

千古無利缺，劫餘猶付賞。音人磨寫蘭亭與快雪。

留別六詩

李松甫比部

秉禮

老矣驂鸞住人間，有謫仙交情薄金石。詩境淡林泉鶴憶

樓前夢

李少鶴官嶺西松甫館之書樓交契最深少鶴沒後因名其樓曰憶鶴

鷗閒物外天

湖鄉如買築三畝，卜鄰偏

松甫有它日遷居吾鄉意

汪劍潭司馬

端光

人海藏身久，窮愁覓句時。茲來吾又去，後會更何期。吏隱能忘瘴，情多盡入詩。江山好如此，天與鍊新詞。

王若農明府

尙珏

遇合忘遲暮，今方簿尉辭。一官猶瘴海，結習總書癡。講書

門才盛

凡服官地方多教其子弟作文年來登科第者數輩

巾箱手澤貽樹根談老

屋

明府居椿樹衙爲康熙時譚舟石先生宅竹垞詩所云樹根同讀五車書者是其處也

我亦故園

思

胡雒君徵君

虔

天下中庸士湖湘弟子師

掌教秀峯書院

傳家小萬卷

徵君六世祖參政公

多藏書有萬卷樓余曾圖之

過嶺一編詩金石新裒錄

爲蘇潭中丞輯嶺西金石志

丹鉛肯告疲自今晨夕念佳序畫圖披

雒君爲余作棧道蜀江圖序

歐陽礪東孝廉

紹洛

每變才逾上耽詩欲到巔邕州驚識面入幕祇經年筆攬

湘衡秀心游籍湜前

力學昌黎

如何青鬢好不上孝廉船

雨次不與

借計

朱小岑布衣依真

志不求聞達蕭然折角巾
足音珍似玉畫理澹於人
活世參方劑安貧見性真
相看別桂嶺應笑我風塵

古風答孔二雲卿

北里有絲竹廣樂臨前楹
中有寂寞人愛此無絃聲
蕭寥契虛籟如聽雌雄鳴
折楊皇琴趨煩手侈高名
雖取衆耳悅徒爲識者輕
當其嘈囂時正始莫與爭
漸聽覺不鮮久之憎心生
靜勝理自得靈臺湛虛明
譬如五色目白地光英英
又若調鼎鼐太羹味和平
達人貴樹立勿爲流俗傾
高髻與廣袖竟時多過情
白茅感同氣泰亨茹彙征
鵬爲六月息天風搏雲程

十一月八日汪劍潭郡丞王若農大尹招同李松甫
比部歐陽礪東孝廉泛舟至還珠洞觀石刻米襄陽
像及襄陽題名歸飲泂波巖下僧舍三首

陽崖削蒼根洞府下盤互背郭立江心咫尺不得渡三年

欠茲遊欲別願始赴爲待兩詩人

郡丞自京僚新除燕雁大尹自邊瘴遷秩

此相遇買舟欣得朋擔榼各攜具呀然入巖扉壁泐題名

句唐巾復深衣米老像如塑熙寧七年夏景純同游處

潘景

純米獻熙寧七年五月晦日同游

昔公尉桂林信孺記可據遙想拜石風

定愛滄洲趣好庵好事人肖此黃金鑄蒼巖皺瘦間終古

吟魂駐酌酒欲呼公點筆寫雲樹絕景需名賢汗漫有餘

慕

珠去何時還仙踪近荒渺蕙苴傾歸舟曲說不可曉將軍
昔南征未出桂江道茲山當回流水勢與繚繞是名曰泐
波宋刻字了了水回流曰泐宋人題名作泐波流傳託文淵耳食舊聞紹
百蠻盡知公廟貌遍墟堡至今傳馬人不朽銅柱表青山
猶傳會榮名世所寶

僧寮依山起飛閣構木杪虛牕納江洲超然埃壘表天公
作寒陰長空渚煙繚新詩負目力洞有宋人題句云目力所到皆新詩行色
已膠擾殷勤謝深杯餐秀醉以飽二十四崑洞躡屐殊草
草離思動江山相識到魚鳥何況素心人能無黯懷抱安
得如珠還重來續游了

椰子

南海產嘉實過嶺不數數創見莫能名博物愧卓犖嗟爾
本混成深藏最堅確白茅束亂皺黃栗色斑駁伐毛始去
皮摩頂乃見角圓光方熒熒文理自濯濯中虛却外侮蟲
鳥窮蝕嚼將爲楚萍剖似須郢匠斲天瓢貯霞漿沆瀣方
猶渥四邊凝截叻寸膚麗負殼吸甘還嚼腴風味美于酪
纍若子含珠牟尼手一握瓠落更何須取材入雕琢茶甌
供餽遺覩訕唾壺亦紛作方其結實時渾如玉太璞物貴
守不材戒在示人樸重剛而不中理悟碩果剝作詩備采
風且用自傲覺

鷓鴣

啼風復啼雨荒埃落帆初我獨無兄弟行行鳥不如

大榕江風雨夜泊

纔掛征帆已滯淫
葭灰寒信感侵尋
奈何碧桂遠天末
無限西風中夜深
車馬曉鐘京國夢
江湖燈火故人心
不材惟有青榕樹
自在空山老作陰

野泊

終日行一堠
樹邊還宿船
風急遠漁火
月斜寒水煙
客心憶蘭芷
歸路渺霜天
莫令鼓鉦響
恐驚鷗鷺眠

與王若農舟中聯句

遵陸追行舟

王

小別復謀面
泝流稽郵籤

錢

浹旬滯山縣

河身繞詰曲

王

船唇隨轉旋
昨過分水坪

錢

始入楚南甸

灘痕淺扶寸

王

篙力猛爭線
挽河漚使渟

錢

編葦過如堰

沙石或駛壅王爬抉乃至游遲成鮎上竿

錢悔不馬馳傳

青山爲君留王征塗嗤我先喜聞金玉音

錢要作文字讌

紀程例有詩王出藁不暇繕深談柁樓暝

錢欲去吟詩戀

襪被且對牀王刻燭還滌硯句效韓孟聯

錢交並孔李善

廿載各分馳王五管得相見瘴霧染鬢髭

錢蠻陬困曹掾

坐令此事廢王久如宦游倦作志會需賢

錢徵才不遺賤

書成許奏進王秩滿甫膺薦奉檄朝

天閭錢持節歸省院同行約附驥

王破寂慰孤雁梅花數

驛長錢衡嶽攜筇便次第浯溪訪

王蒐剔巖扃遍寒芳寄

騷情錢題襟豁游眄入漢先浮湘

王渡河可望汴計趨春

明門錢

已過臘酒餞拜母合登堂王從公侍饗膳嶺梅話

行塵錢年華感飛電難逢故園親王共掛布帆片寒吟莫

匆匆錢雪飛待白戰王

灘行舟爲石破作

出隄沿順流寬甸多淺瀨舫背與石爭水骨觸舷壞汪洋
入柁樓急遽束行旆嗟無做簞塞幸獲一壺載行李裝分
齋同舟力攸賴並岸漸就理過帆閱于邁已事墮如甑平
心蒂無芥我曾出峽江萬里駕泐泐瞿塘濫瀕間宇宙險
稱最孤舟衝洶濤篙楫劇安泰今茲涉川凶乃在一衣帶
禍每中忽微變幻所備外跬步皆風波馭朽更宜戒

抵全州作

靈渠知我戀山情故遣枯流滯客程三尺漁邊河水減一

繩雁外嶺雲平陽生載道春暉滿路盡分疆候吏迎無量
主人長宴坐磐厓淡笑六塵行

全州寄謝中丞

清湘水與客情深楚甸雲嵐黯暮陰三驛程紆離別夢萬
松寒見老蒼心江村圖裏迎年玉十四日望遠
山有雪處佛迹巖前
布地金載道近貽雙井集先生以校刻
山谷詩見貽游塵先擬淡山尋

卽事

湘流稱意綠於苔雲水圍身棹不開沙頭山並樹橫出船
背雪高灘急來影落江天數歸雁心驚物候香早梅九疑
奈爾擁雲霧柱頰長看空翠堆

雪舟聯句

吾生如寒號

錢

旅迹等流轉衝風涉湘浦

王

急霰撲吳舩

天空四野冥

錢

氣肅重雲展飛鳥噤無喧

王

叢樹黯難辨

初聞蓬底聲

錢

旋射牕紙泣萬象變須臾

王

一望迷漫衍

青繚遠村烟

錢

疎綴荒磯蘚倚舷重欲欹

王

八水空若掬

縞被漁師蓑

錢

玉戲天公碾指僵怯持篙

王

拳縮深裏繭

繫維便依沙

錢

滑澁窘陟巘長年重呵凍

王

斜日盼消睨

夜闌對素心

錢

爐擁裊香篆寒練逼紗明

王

流嘶凝石淺

壓瓦想城市

錢

暈墨成畫卷密灑愜清聽

王

積厚遲曉昞

檣風撩燭花

錢

候柝警寒犬莫嫌阻荒洲

王

頗可適幽遣

體禁持鐵嚴

錢

詞貴披沙選聚星例可循

王

陽春和猶勉

仙舟侶許同

錢

微吟髭對撚冬暄嶺外慣

王

條封樹頭鮮

綠天書舍存草

卷五

六

茲當八臘初

錢

喜卜康年戩獠奴眼乍驚

王

詩老揣稱善

酒凝銀槎傾

錢

論比玉屑演強韻窮枯搜

王

禿管健冷吮

片飛想燕山

錢

夜襲凱蜀棧

時聞蜀師勦滅敘匪

紀瑞待朝參

王

載

塗夢塵輒歸棹任留滯

錢

遊屐鼓巽悞浯溪行且近

王

時

晴約斯踐

錢

過永州懷淡山朝陽巖愚溪諸勝不得遊悵然有作

三首

零陵有水石世以次山知

次山銘朝陽巖云零陵山水使世人知

惜哉淡山

巖雄文乃見遺仙春表幽賞實始山谷詩

山谷題淡山詩洞口綠樹仙家

春詩人與山靈相得每絕奇淡氏不可見洞口餘巖扉但

得仰石屋足知天下稀去城廿五里塵俗多所羈倚棹歌

水調愁裂湘竹枝

開淡山多題名有宋人水調歌頭數闕

朝陽東方升我夢已巖側地中山深深洞口泉湜湜羣玉
伏香流蘭氣與雪色百聞不一見意行恣登陟文字瞿李
袁蘚石半已蝕作篆聊書空望岫心未息

龍城昔于役曾讀羅池碑遺文照天壤多於永州時愚溪
更清絕童孺無不知却憶訾家洲訪古渺蒼涯此地跡好
在眷焉阻幽貽後遊恐難必碧瀟倘與期

唐中興頌摩崖碑

收京再造天祚李上皇蒙塵歸老矣論功忍到父子間倉
猝遷宮罪誰委酒隱宅邊勒鴻詞婉微萬古春秋旨顏公
作書有正氣忠誠痛深山骨裏遂使筆力出分外雨淋日

炙不能毀石湖謂頌美盛德此碑發露良非體嗟哉臣微
不敢斥至尊何況職非南董氏蓋臣心苦不忘規歌之清
廟何如爾江深苔荒翠欲滴南內當年事如水杜鵑一詩
老拾遺片石湘中舊刺史

鷓鴣

隨人作機事滅頂亦何爲載爾一笈簪盪破青琉璃

暮色

人在雁峯西風來暮色淒亂山一鑑曲密樹千行齊帆遠
白于鳥田高翠作梯看雲隨處戀今又夢浯溪

霧

霜淞數番白櫓聲何處人客心猶怕瘴天水摠同塵日影

輕烟遺山痕淡墨皴不知五里市幾日掃峨岷

聞蜀中修
匪復關入

楚
北

將至衡山簡鍾明府灝乞八分

學書須學漢晉法宰邑須宰山水鄉我行夢隔祝融頂平生羞見鍾元常墨池高吸嶽雲氣筆法與人戒老蒼零縑賸幅倘丐我捫苔不向岫嶠旁

偕若農遊石鼓書院憩合江亭用昌黎詩韻

山亭並江船拾級道非左游塵卽古賢正思拾餘唾昌黎

昔來時讌賞此邦佐李寬者何人關塾斥家貨

韓公以貞
元中過此

元和中郡人李
寬始置書院

賜額逮宋時規模鹿洞過南軒書韓詩講

學起顏挫紫陽記雄文潘宋繼聲和絃誦七百年堂開左

右个貞珉幾傳摹摹本亦塵坳就錄跟肘疲倦思碑下臥
齋楹寂無人歲闌輟官課循廊訪西溪苔荒滑無奈豁然
起飛簷窮覽目力懦烝水來瀟湘左界會流播江天益大
觀我吟愧寒餓晴暉趁暄冬脚健良可賀朱陵東復東得
遊及未情誰招黃鶴來躡予雲海座徑從洞天過屐踏蒼
壁破牽迫夕陽驅莫使淨綠泥

亭旁有小石洞大書朱陵後洞相傳有路可達衡嶽

亭額綠淨用昌黎詩字也

回雁峯

短與屋山並寒凝江樹霏桂林幾行雁猶自伴吾歸

書雞卜圖後

舊說傳遷史遺書守越巫牛刀焉用割龜筴有同符呌且

靈明在卜疑物色須爲犧差不免卜必殺雞棄肋未應俱插向
竿頭驗占來骨相殊高低多側理左右或平鋪兩象分身
世兼該到網鉏數難逃遁甲語乃雜俎隅備著庚庚畫奇
探九九圖卜人今絕業尙鬼俗仍愚小術參青鳥鄉風比
紫姑吉凶安待問握粟自朱朱

湘潭

控扼津梁勢鬱葱炎州都會此焉通江山魚米千家郭檣
艦樓臺十里風地據霸圖開楚縣天分右轄應星宮橘州
挽我今宵住市井昏昏氣一空

題馬朗山中丞前輩集聖教序詩後二首

沙門集字編成序開府工書采作詩文字大千收象載法

門不二換鵝池巧思散騎徒排次綺業璇圖盡掃夷心正
知公無我相策勲翰墨且如斯

貫申明珠字字珍無窮意匠引清新一條鐵是書門限千

億蓮皆佛化身見道言空風月咏裁篇數合雪山倫

庚子山序

雪山羅漢之倫欲從馬祖參消息南麓恩恩過眼因

神鳥行

將軍廟江之湄鳥聲啞啞雲滿天翩翩側翅驚客船飛而
食肉誰使然十十五五百且千攬身張喙爪如拳一飽得
意驕饑鳶齊諧之說江湖子鳥來謂爲神所使牲牢割取
仰天呼日日行船去如水江上百靈神所呵宇宙何處非
風波吉行能使鳥鳥樂忠信宅心理則那嗟爾鳥兮安知

止爾生飲啄適然耳西風旅雁菰米寒黃雀羅罨稻田裏
爾旣不在柏府樹上凌風霜又不能在三軍幕上探蹤指
徒此將雛八九子朝朝暮暮飽欲死鳴吻山門畢逋尾憑
依得勢類如是君不見金闕門頭萬鳥棲何嘗攫食矜齒
肥

登黃鶴樓

千里帆江快一憑玉虛吹墮最高層欄干人影寒無極天
地詩懷隘不勝月滿字痕山欲裂

東偏舊有湧月臺傳爲魏武所書

梅開

塵世笛難膺南樓縱好驚非故鐵冷風流此尙仍

澗口

沙塵猶未馬頭揚鈴馱初程發漢陽風雪南來踈綠鬢歲

時客裏缺黃羊寒塘已縮西陵漲小艇仍煩兩渡杭逆旅
人知名勝跡冬溫小試淪茶嘗

逆旅知黃陂入景
其一日灤水冬溫

發漢口作

漢口又灤口馬蒼還馬黃

君恩給符傳車騎多輝光賓客連童僕馱載喧騾綱費直
中人產繁重治我裝回思少賤日計偕指

帝鄉單車困膏秣寒風典我裳營營謀信宿囊涸垂郎當
今日無已太竊懼生憂殃賓客笑迂拙童僕譏寒傖舊游
不同苦安樂何可常楚月盈已缺楚山清且長勿爲沐猴
冠振衣濯滄浪

楊店早行

野徑何年置驛通

驛路向由黃波縣城由雲夢連岡下上德安行走今改由此多小路

水西東屋邊霜履小橋白山外日輪高樹紅歸擔豚蹄村

作臘賤沽雙酒歲當豐劍花昨夜寒燈畔驛吏猶誇辦蕭

切賊雄

白蓮教匪以丙辰年闖入楊店驛吏有以殺賊得軍功者

十二月二十八日廣水

廣水驛前水繞村人家烟午市方喧風來楚尾聲旋競山

趁霜蹄勢欲奔半壁當年雄列砦綵衣此日憶金門

元正儀百

官於十二月二十八日始衣蟒袍

宋橋楊里成陳迹孰與圖經細討論山應

有渡蟻橋爲宋氏兄弟所居又楊忠烈公亦邑人邑有大洪山故號大洪

除夕信陽官舍呈益齋叔二首

恰好行程計不疎一天霜旭兆春舒人家爆竹紫雲店驛

使歸鞍京國書

途遇廣西差并得都下書

滿酌屠蘇成老大新符鬱壘

換門閭他鄉難得家庭樂千里來趨守歲除

每盼春燈駕篠驂竹林童穉共游耽中年宦迹天南北齊
歲明朝四十三拔薤聞來輿誦最乘輶歸去使星慙
君恩祖澤同今夕瞻拜相期負荷堪

緣天書舍存草

嘉興 錢楷 宗範

第六卷

起壬戌盡辛未凡古近體詩八十八首

正月二日晡後大雪徹夜明日雪止發信陽二首

梅花出五莢開三別酒陰濃送曉驂縱是春初還臘尾已
過山北又淮南重簾火撥虛堂夜瘦騎雲團近郭嵐嶺外
年來稀見此燕臺風物眼明諳

詩人舊住藐姑仙

何大復先生

一別青山意惘然使鬢風霜見

初白

鼎湖弓劍痛三年農占旁磔牛祥後地近雙尖馬耳邊獻歲

賊氛當掃盪盼將吉語蔡城傳

適聞新蔡又有滋擾餘匪

遂平曉行

驛舍巖城裏黎明爲啓扉荒雞汝南叫古雪蔡州圍地直
三驅軌天開一角暉濯陽何處是漢縣迹希微

過新鄭縣梁大令

道與

以詩集見贈

幾輩門生謁

帝廬

平餘山少宰兄弟李玉漁編修兄弟皆出門下

卅年辛苦硯田鋤宦游永叔

老思頰骨相虞卿窮著書俗習未教鬚鑷雪生涯猶想釜

生魚

集中有不染鬚及屢空之作

二馮同里皆仙去卷裏西風轉觸余

馮魯巖摠憲星石鴻鹽均與君契好有投贈之什今兩公俱下世矣

溱洧合流處

二水碧粼粼橋題濟衆新春光能淺淡惱煞採蘭人

新鄉縣拜從祖蔭齋公祠

乾隆己丑年公除新鄉令到官省囚徒駢繫什伯盛公謂
小邑耳何乃犯者競一一案獄辭率皆逋賦姓公疑復參
詳囚跪淚河迸謂言東南鄉田瀕大河且自從河決來沖
壓土脉硬耕耰久懸鋤塵埃任生餽稱貸償官錢膏血升
斗罄一年荒尚可年年復何竟惟有請豁除二天鑒如鏡
追呼下飛符捉人付笞榜訴官官益怒三木加其脛哀哀
呼徹天幸邀父母聽父母告上官上官不肯應嗟我王家
民豈肯蹈陷穽無錢輸積欠那能保軀命琅璫甘瘼死囹
圄誰敢值一家溝壑填魂絕爰書定公聞囚言悲日夜憂
恹恹出郊履畝勘得實不待證上書申省臺剖晰道民病

堅求蠲租挈十日累牘併嗔笑胥與忘痛欲脫冠請一念
爲吾民三駁詞益諄省臺雅從善封章奏

明聖有

詔俞所求下縣釋囚淨堂下讚潮音百堵更生慶村前村
後祠遺愛至今詠公去三十年潔祀四時孟我來公生辰
紳耆相歡迎劉老舊舍人疊疊談德政導行拜祠下懷恩
淚猶凝起居問諸叔稱謂必恭敬嗚呼感人深秉彝識民
性公男甲第連公孫乙科更蒼蒼報善人不爽理斯正願
告我宗人服官景懿行季叔閩使歸輶亦此時乘春明待
晤言述祖對短檠可惜趙村遠復此風雪橫今朝作公壽
歌綵舞燈映劉老儻去時折簡謝聲倩

比干墓

晨出朝歌城紆道四三里廟顏殷少師墓在廟後峙拜瞻
要讀銅盤銘嘯堂錄中字差似墓門四篆先聖書今猶高
揭堂壁裏較郎仁寶所錄文末字多蝕右蠆尾庭中穹立
元魏文歲御閣茂月星紀大書皇帝弔比干文似齊梁書
隸體太和之碑僅見此元祐判官復修起右碑貞觀十二
年二月己亥敕與詠車駕親征樂浪還展墓殷墟秩加禮
贈以太師諡忠烈三品持節致祭祀司封崇葬修其祠給
復五戶冢守視門下奉行咸署名無忌第一遂良止此碑
得非褚手書惜哉點畫太肥侈集古有願空抱殘得游又
促華原使荒苔舊冢皆摩挲三代遺文眼中始賞心如獲

汲冢書裁詩已過三仁里

里在淇縣

劍外女子

并引

若農以逆旅壁劍外女子娟孃詩見示憐而咏之
王郎夜宿朝歌驛喜見簪花爲掃壁柔情旖旎女郎詩旅
館飄零寒夜客自言鄉國本秦中少小遷流劍閣東學繡
戲拈題葉字偷聲懶鬥畫眉工盈盈正值芳菲節蜀棧雲
連烽火急已看家室走蒼黃那復帷屏闕裝飾花外青驄
何處人窺簾強欲締紅巾忽忽共載城南路鬱鬱難禁馬
後塵粉褪香銷更誰語胭脂花落紅如雨口銜石闕復何
言心抱蓮房終是苦野鶴文鴛各匹儔人生賦命不同猶
參軍未許配新婦卓女胡勞吟白頭長途今夜淇泉上腸

似車輪轉相向淚燭難和硯滴乾
哀絲試瀉琴心唱一吟
一字短長更門外雞聲戒曉行
巫山明月肯迴照汴水春
風空復情汴水巫山奈何許多才
薄命紅顏女若爲玉屑
貯紗籠莫當楊花隨雪舞

邯鄲

明月照金釵花鞍挾瑟來
滿城歌吹裏何處是藂臺

臨洺關

鎖鑰關猶壯驂驛乍脩水枯沙沒
脚霜重樹垂頭漳衛
原同派燕雲更幾州
斯人祠已廢冉伯牛故里
有祠今廢大道自高樓

定州

花箋紅玉若爲分底向中山撫舊聞無賴東風沙撲眼茶
烟惆悵杜司勳

小憩雨花禪院和壁間吳文簡詩韻

前世定行脚此來聊喫茶蓮臺佛相古薛碣寺門斜藻詠

遺前輩

院建于明神宗年間冠蓋往來皆有題咏

本朝康熙雍正

清芬識我家

正殿

編曰松風水月爲先文端公書與僧問興廢不解記年華

磁州道中

一面菱塘一面荷陌頭便覺蚤涼多水田鷺羽矜清影鄉
夢鴛湖溯碧波花笑似窺人襍穢雲行漫付睫鬢鬆郵章
忽報漳流漲欲渡無舟奈若何

衛輝府簡王儕嶠太守

才子從來握郡符榮名厚實一時俱地經淇澳懷君子人
聽車聲識大夫無意沙痕搏聚雁相逢秋影話思鱸尊前
賺得清滋味蔬筍香參肉食殊

儕嶠次韻寄答再疊奉謝

好事差同調水符郵筒喜與曉風俱筆研秋露排官牒裝
壓珠船訝僕夫節物正宜酬月兔家山應共夢江鱸蜀圖
更乞新篇詠來詩許題蜀棧圖鳳閣文章望不殊來函有鳳巢阿閣之語

秋燕

早向烏衣別胡爲久滯淫海天歸客夢簾幕主人心舊侶
偕行少寒風護壘深春來好翦刷盼汝玉堂陰

九日陟青石梁入古北口登南天門二首

昨日薄陰不成雨，羸將曉翠撲雙輪。
驛催歸客遲鴻影，杯引山光稱菊辰。
吹帽秋先侵短髮，盪胸雲自繞閒身。
古來勝踐登高約，縹馬天門定幾人。

衆峯坐我似圍屏，直到關門不斷青。
虎旅霜嚴秋閱近，犁場風軟賽歌聽。
勞塵節序常時忘，上塞華原此會經。
攜袖金仙一長嘯，身凌萬笏俯滄溟。

奉和座主翁覃溪先生重賦鹿鳴宴紀

恩述懷四首元韻

奎雲彌煥大羅天，重看耆英與

賜筵卿月新銜榮，洛社秋風前榜記

堯年林泉養福還，初服詩禮傳經守。
一編綺歲科名周甲

子東堂應已兆鴻篇

歸然豈獨魯靈光海內名如四皓揚

是科直省重與
鹿鳴宴者四人領袖

蓬山多歲月絃詩萃野又笙簧金蕤正見星弧影

先生以
八月十

六日玉兔重生月殿香

泰運乾元符一紀文昌勝事答

垂裳

後生何幸會飛鸞紫陌青雲仰笑言花看遨頭開鐵樹

鐵樹

以丁卯年
一開花

燕從燒尾夢金尊儒林舊望蒲輪重典故新添

桂譜煩年比伏生猶少二瓊林轉瞬賦承

恩

應舉丁年愧鈍遲卯闡叨薦幸從師一家沆瀣依門下

會楷

試房師家湘齡先生亦出門下

三世歐蘇感舊時

謂先文端公及叔祖蔭齋郡丞世父蔣石宗伯

崑圃後塵看繼美漁洋嘉話兆先知匡廬奉

使秋如昨擬續新圖十指槌

先生視學西江楷曾繪匡廬秋色圖寄奉

寄曾賓谷廉訪前輩楚南

七年別瀟湘清境在胸臆今年送君行夢繞峭帆側木落
洞庭波芳草被蘭澤采采遺所思白雲渺無極欵乃時一
聲淨綠照顏色新詩定幾篇高倚娥皇瑟北風鴻雁來聊
以寄相憶山水如故人可望不可卽

十一月二日賀盧齋侍御招飲看菊戲簡

惜花容易得天難珍護秋英此日看黍谷預支春醞藉草
堂不放客闌珊燈前鬢影重添綠簾外風聲未覺寒晚節

知君心事在霜臺耐爾久盤桓

喜阮芸臺中丞至都奉

命攝少司農事招同劉信芳學使並諸同年小集二首

書劍依然襤被時觚稜一別瞬今茲記同游讌經年少盼

到音塵匝月遲星野又分三使節

西庚瑟算金門
均視學外省

霜華已

上幾莖髭及君未領封圻去消得寒梅九九期

病餘跼蹐辭

朝命隔歲瞻

天慰諭溫纔看驂停塵陌影便教燕掃舊巢痕三冬禁漏

安排聽十載詩懷仔細論轉笑輜軒何太急城南賺此一

傾尊

信芳將于
次日出都

越日汪蘭畚閣學同年復招芸臺中丞暨諸同年集

飲寓齋疊前韻二首

菊壽蘭榮正及時

蘭畚今年七十壽令子新中乙科

一庭樂事萃芳茲雲

霄氣誼同年重瀛海飛騰老景遲人鏡前身徵昔夢

未第時夢兆

科名繼世摘新髭興酣辟易諸年少除是松喬可

等期

蕭齋初拓琅玕靜活火微添楮榻溫輭脚日排仙詠會掀
髯人憶醉衫痕光陰分寸真須惜出處平生那共論忽聽

瑯嬛傳

賜錦匆匆未辦盡壺尊

芸臺適奉未終席而散

頌賜

詠史雜作三首

哦哦大安山美女雜方士奈何梟獍兒猶有李小喜
亞子善征戰監軍坐鎮多如何指錢積輕欲與和哥
魏僧傳國寶節度晝日筆知否誤老奴牖下常悒悒

芸臺惠哈蜜瓜賦謝二首

峭寒凌厲甚今年凍結瓊膏冰

去聲

齒鮮金獸圍爐疑嚼雪

玉門坦步想鋤煙樹華種合來天上包貢期應及臘前再
拜感君持贈意高堂吉語話綿綿

底須仙實羨崆峒香美葡萄桐酒中沙塞腴田多夏熟冰
卿滋味儘冬烘綠沉分照壺天徹風戾居奇市價隆冷淡
常宜餐沆瀣青門五色霽時空

芸臺奉使中州再疊前韻送之二首

擬趁圍爐快聚時
星輶促別奈如茲
數銜杯祇論心少忙
倚裝猶索句遲
頃見和首二章詩
雞樹近依周月魄
馬蹄寒重逼霜髭

君恩但許還朝節
臘尾春前準與期

稀聞晝漏朝初散
纔計旬休席未溫
沖抱絲繩冰玉影
舊

游驛路柳煙痕

余于七月中
甫使中州

盧仙春夢誰參悟
岳廟吳山

試較論更向定州尋
雪浪新詩歸待侑清尊

長至前一日偕康少卿

綸鈞

齋宿署中代簡二首

蕭然庭樹轉斜曛
曲榻疎簾却對君
官冷嬾教爐火撥
夜

長時放禁鐘聞蔗漿滋
味勤恩職

宿大官署齋

桂海前遊證論

文

君曾典
試粵西

二十年來牛馬走
翻身整此遣塵紛

郊壇肇禮肅

皇心齋禁清嚴勉格歆

奉旨申嚴齋宿之例

雪意盼嫌腮月皎霜

華凝覺

闕雲深刺和鄭重黃流福候氣參量杵黍陰明日朝衫應
夙退膝前拜舞掉頭吟

臘八日飲鮑覺生侍讀寓齋因寄書令兄樹堂侍御
作

燠室疎簾闔復開銷寒此會又燕臺朋尊月榭梁園夢

余始

與覺生相識于質邸

春草詩情臘鼓催河上鞭絲秋意邈酒邊風物

粥香來江南驄馬何時返問訊多煩驛使梅

西塘有海外之行屬補題從軍圖

先皇八旬萬壽日樞地需人備簪筆君方鳳閣逐清游我
正蓬池成小謫中書帖子忽傳來瀑直相從入省臺溫樹
不聞孔相語高文須用馬卿才年年蹤跡如蛩駟襪被青
綾同直臥聽鼓閒趨紫陌朝飛書忙剔銀燈暮春旗秋旱
扈行多對酒談詩毳帳過並騎臺山看佛迹聯巢灤塞結
行窩

聖人御極光天治

授受鴻儀承草制無端邪匪弄潢池坐見威弧掃凶孽從
此軍書旁午催

廟謨日日急宣裁秦關蜀棧連營峻虎節麟符到處開爾
時我却乘輅去戎馬中間典秋賦鴛行遙指錦川星節旄

移向湘灘路三年別緒渺長安辟署聞君勇據鞍矛頭炊
浙餐難飽盾鼻研磨墨不乾官軍轉戰窮追賊斗絕南山
險三尺劍花耿耿猿鳥愁箐雨蒼蒼瘴雲黑元戎壁壘自
從容但繫渠魁貰脅從鐵騎三千如掃枿金城百二盡銷
烽朱轡不受功成賞歸來侍從

螭坳上陽城

帝識諫官名安石人知高世想卽今奉

詔使中山

天許聲名震百蠻十洲三島乘風遠東鰈西鷄布化爛男
兒壯志應如此豈但毛錐事簪珥挂弓月蝓暨狼居破浪
扶桑摧蜃市送君敢盡酒一壺誰倩丹青繪合圖置身直

上雲霄頂俯首人間十萬夫

保陽飲素蘭畦廉訪齋觀書畫並漢銅器代簡

塵昏眼向燈花明春風簾捲谿山橫谿雲欲飛山雨暝布
帆坐我江南行數文墨戲自家法梅花盦畫尤幽清席間
侑以古罍洗活碧如割霞漿英虎符左判壁羨合鵲印上
旋環紐衡欄具無飾脊耿耿帶鈎中斷文庚庚燈檠弩機
貨泉布青綠煥采聲敦鏗好古今無歐趙薛對君高興嬋
漢京君言石墨盛搜采唐碑衆妙羅光晶就中聖敎最美
備孟津允伯鑑必精蘇公手蹟有三卷一書赤壁筋細縈
一臨諸家十遺七筆法往往如真卿一爲過嶺答友牘胸
次想向王郎傾客不飲酒醉兀兀夜光未盡珠船舳艫嚴城

短漏促明發歸當竟日停征程錦囊鴻秘快飽讀雲烟惠
好黃金籊十年萍梗已陳迹莫又別離空復情

清平階中丞移撫豫中都下喜晤中丞語余曰去浙
江時劉金門學使贈別有明日湖山是故人之句意
致絕妙正定途次衍其意代簡平階

憶昔與君別湘灘如故人君作湖山主我驅京洛塵五年
望顏色渺若武林春君今移節中州去去年中州我小住
燕臺相見道匆匆高詠西湖送別句西湖山色秀如沐却
向清漳泝春綠君猶未發我先行又指征輶並王屋清漳
王屋豈不佳那似烟波畫船曲畫船西子何蒼亭我夢昨
在蘋花汀常山驛曉柳色青計君行程明當經走筆問訊

煩君聽問君頗憶湖山否武林門外故人酒故人何日行
春來重向湖山快攜手

蒲州驛

蒲州驛當衝樞馬用不足計賦徵民間趨事可封俗奈何
督郵掾取求憑所欲四鄉括車贏官符給芻粟斂錢賸脂
膏否或笞榜毒前年歲苦旱殍餓道相屬田野變汗萊屋
無藁一束而此泚泚者傳翼虎食肉往愬我父母父母不
省錄雖荷長官賢累年猶滯獄獄訟豈不凶知足良遠辱
不如早力田天錫豐年玉飽食役公功胡爲自踣跼勿以
規爲瑱言告兩黃鵠

小憩堯城廟次壁間詩韻四首簡文秋潭副使

雪花送盡井陘山馬首汾流一曲間遙想江南春水潤烟波不放野鷗閒

禪關寂靜卽深山茶熟香殘半晌閒莫是打包緣未了征塵十丈轉心閒

憶昔馳韜劍外山

戊午典試川中馳驛經此

十年重到剎那間鬢絲慚

對門前柳依舊春風綠意閒

素心昕夕共關山應勝戎衣匹馬間

秋潭從征秦中時亦曾過此

爾我

勞生蝨負鉅承

恩未許乞清閒

平陽呈郡伯潤齋叔

去年叔秩滿五馬朝

帝京觀揚對

便殿

垂問微臣名未幾扈春罕楷也貳常卿兩蒙

召行幄觀縷陳家聲

帝曰汝有叔守郡晉水清再拜免冠謝感銜追屏營回思

少貧賤襪被長安行

乾隆乙巳春
隨叔入都

十年廁纓笏內外霑

寵榮皇華秉使節大藩寄專城并門馬頭雪彼汾春水生

膏澤遍原隰楊柳青相迎入境肅樞謁積愆難遽傾燈前

出稚弟蠟鳳雙珠嬰依依似舊識剪瞳眊乃兄對之色然

喜玉樹當風橫昨秋使洛下季叔泊漳衡明月酌桂醕今

復良會并宦游屢相見孰非天使令

君恩與祖德戰兢彌凜盈我才非皋蘇執法歸持平那學
雋不疑決獄慎一成叔兮職宣導漸化蚩蚩氓服田力稼
穡已少雀鼠爭三月方春及綠埜勤服耕行也使無訟旨
哉從善輕

送心壺弟假歸二首

春風聞喜報泥金返旆龍池柳色深

賜對感蒙

天語渥一門舊德又詞林

余自晉陽讞案回京復命正
他弟奉旨錄用詞館是日

召見陳謝上曰汝家又添一
翰林天顏溫霽感極涕零

木天陳假別長安歸拜慈闈侍膝歡早日版輿迎潞水菊

觴重盼話團圓

奉

命暫署河督赴蘭陽工次作

金堤承乏去匆匆

恩遇連番假節同風使心期盟白水勞人宦跡似秋鴻三
農歲熟禾炊玉九曲波平鏡拭銅詩意年來枯澀盡大河
借潤筆頭公

十二月二十日由汴之粵西撫任作三首

夜半郵書奉

玉音榮逾夢想倍驚心儒酸家世慚疏屨邊隘封圻重桂
林遷轉四階

恩不次

由部員蒙擢巡撫凡四年

撫安全部力難任願將冰尾斤斤意

譜作中和樂職吟

中州和會職旬宣漫試操刀鈍比鉛爲政那能期月可此

心聊矢大河前強宗拔薤根難盡集澤磬鴻賦乍蠲請豁溫孟

二縣被水地租使者未忘農本計喜看殘雪護春田

五管乘輶憶昔游十年別緒秀峯頭有緣會續驂鸞記重

到滋慚竹馬侯峒鳥蠻花渾舊識參山帶水記新猷夢魂

飛越湘灘路承乏倥偬爲小留惜奉命後因護河南撫篆閱八日始行

十二月二十八日飲信陽張柳洲觀察葵園賦別二

首

同官未了別離緣話舊依依二十年儒素襟期共尊酒山
衙風致亦林泉種花自寫傾陽悋留客剛逢餞臘筵却憶

石田詩畫跡箇中彷彿渺雲烟

曩見石田翁爲中山王後人畫葵園小景上有題句

一首似以上將赤心比花之向日今竟忘其語

書法年來老愈神公餘縑素鎮相親
燈牕文史排孫課歲俸虀鹽任婦貧
郭外山光明見雪檐前梅萼韻於人
贈君惟有豐年詠筆研壺觴樂買春

除夕發李家寨並山行宿廣水驛爲楚北界示春亭

弟二首

靜看烟巒一事無官程未覺客蹤孤
功名半百鴻飛羽驛路三千馬識途
臘雪田皆封暖玉山家門亦換新符
使君對此春生頰出境殘年別思紆

王程草草見星移冰雪襟期祇自持
不爲梅花勞驛使願

將護壽祝春卮山川無盡懷江漢荆楚由來重歲時差喜
偕行有予幸挑燈今夕共天涯

渡洞庭湖

自古連天水重來省故吾春風動青草雲野接蒼梧氣納
瀟湘淨波流屈宋腴挂帆鷗鳥外身世一塵孤

蘆林

人烟百十家居然一聚落列肆陳喧闐帆檣紛湊泊春宵
盛觀燈庶矣堵牆若顧瞻衡宇間曾無塗墍聖織席藁爲
垣架木葦垂箔試與問居人結構何其畧謂言客不知冬
月水歸壑吾儕本無住經始暫立脚年年洞庭波五月漲
如約咄嗟盡移家相將攜老弱載未或出疆撈魚著芒屨

役役過三時歲盡復依託一年一度歸營巢如燕雀何爲
不忍去交易勝力作通津過客多謀生有餘綽吁嗟民勞
苦不如浮家樂求田問舍翁聞此當一噓

舟行雜詩十二首

渺矣天光清若空扁舟徑欲趁無窮水心淨極離塵外山
氣昏多在霧中岸芷汀蘭騷客夢漁莊蟹舍故鄉風使君
怪底春生頰十載輪蹄一拓蓬

潭州千里到全州計日何妨一葦游陸處由來本無屋常
行何事漫傳郵王維詩裏摹三楚謝客車前掃八騶兩岸
谿山看不厭眼青如爲故人酬

蓬牕一夢小游仙世路風波總信天野性正宜航恰受挈

音慣聽葦延緣寒陰祇任連江雨捷路休爭下水船料得
無猜到魚鳥白鷗沙上不驚眠

峯高天柱路冥冥若霧非烟不辨形玉節何人朝絕頂朱
明有洞說仙經嬾殘李相多饒舌孟玟韓公漫乞靈塵眼
不如凝望好雨餘領畧一螺青

輕陰幾日勒春華未遣晴光閃暮鴉百疊山攜湘水曲一
帆天與北風斜篙聲戛石撐灘背波影跳珠落槩牙棖觸
險情苦相憶江南無恙櫂頭槎

雨水纔過綠已柔陽春有脚驗春洲輕搖蚱蜢烟中櫂倒
沒鷓鴣水上漚酴酒殘村賣店木棉裘冷客如秋奚童
莫更郵簽數算是人間汗漫遊

身疑天上坐徐徐落拓胸襟盪碧虛記里有時覩埃鷺臨
流何事察淵魚澄江練詠元暉解千頃波清叔度如掬水
朝來堪作鑒霜髭塵鬢勝驅車

沙碧流清自在寬尋雲忽又並崇巒空江密雨千絲網怒
石奔濤八節灘行曲折時防鹵莽小遲留處得平安篙師
此語人其聽閱歷方知道路難

王喬飛舄並船回一路沙帆畫幘開

余辛酉冬廣西學政任滿回京與吾鄉王

明府尚珏同行途中酬唱甚多今王已下世五年

亭上合江賡舊韻

時有合江亭聯句用昌黎

懷寶司直詩韻

尊尋窪石潑新醅雲停尙憶西河共

時隨予行者有外弟卜孟

生今亦逝

電掣俄驚宿草摧祇有清瀟綠疇昔十年重引使君

來

送迎應比簿書忙今且逃之何有鄉伴我一身賺雲水行
人千里聚春糧趨官不減尊鱸興避訪先防薏苡裝襤被
敢忘貧賤日皇皇書劍滯空囊

一聲欸乃綠周遭行近南來地益高樹不改榮淡春色山
如含笑對吾曹安心肯耐虛舟觸習險粗諳宦海操那更
同移得仙侶牙檣鐵鹿漫勞勞

石燕翩翩雨似絲雙旌濕盡少人知水誰能畫叅三昧山
不知名近九疑巖畔筠叢湘客淚江邊黃綠柳州詩流連
感慨多憊滯壽佛巖前禮祖師

雨

送客風如織澄空朝歛暉層陰壓帆重遠翠落山微湖水

長三尺人烟寒四圍
柁師慣占候昨夜理蓑衣

中秋試院簡主試彭春農賀蕩耕兩編修四首

月鎖重簾到五更
藥珠佳氣見庚庚
峯開獨秀俯南極天

放清秋懸玉衡
多士雲興知歲稔
今年應試者使君風動

勗經明
兩君二三場並重屬示諸生簷前八桂森
森立誰唱東堂第一

聲

過嶺稀逢舊雨盟
欣茲使節慰平生
師門早振文孫筆

爲彭文勤公師之孫詞館曾聯弱弟名
蕩耕與從弟儀吉同中會試海內經傳通

德重詩人風似鑑
湖清鬼材邊管無多子
贏得看山眼倍

明

嵯峨萬笏列前楹
激灩星河接太清
秋露高寒文士筆聞

燈辛苦少年情遙知立鵠人方到小擬騶鸞夢欲成玉茗
風流今好在倩調樂府倚絳笙同年湯西樵太守時監試

桂殿寥寥氣象崢嶸冰輪無地做蓬瀛高文勝引金尊滿靜

夜涼生白紵輕連日秋暑頗甚共此初心明月鑑乞將佳句大河

橫十年酬唱今重到余于庚申辛酉視學嶺西與中丞端謝蘊山主試汪文軒兩前輩唱和

爲嘉賓鼓瑟迎

次答松圃丈二首

輕風將細雨送我到林垌桂嶺又秋色重陽留客星身依

北斗近七星巖以似斗而名山向故人青多羨騶鸞健登高別薛銘

賀滿耕獨登絕頂

遠聲自何處天半渺難聞詩句淡黃菊酒情空碧雲是日邀陶

李壽未至栖霞輸小隱落葉悵重分我欲從仙李翩然野鶴羣

題劉蓉峯所藏大癡秋山卷

道人仙去五百年平生未睹真雲烟但從婁東識宗派虞
山面目終茫然我今重游入桂嶺芒鞋未了看山緣蓉峯
胸中有邱壑江南春色攜湘船瘴天銷夏出示此淋漓蒼
翠皆生妍中間浮嵐特奇崛淥流對出兩峽前嵌空石勢
皴法簡天矯樹色叢陰圓雲林跋尾雅稱重神妙雙絕秋
毫巔我藏梅花庵主卷差堪左右相周旋李成郭熙不可
作筆師造化今誰傳千峯百嶂俱在眼二老遺蹟欣珠聯
名山名畫兩清絕夜夢騎鶴從飛仙

長沙留寄景憶山中丞時方按獄粵東

去年正月湘水邊公方擁節行朝

天九秋桂林花正發逢公按獄東海偏灘江之上
一尊酒問公臘前得歸否

聖人恤民重平反簡孚疊畀決疑手春江水生公未歸我
先辭別灘江湄量移銜

命指鄂渚扁舟又向星沙維嶽麓峻嶒湘水白俯仰如見
公心迹時和穀賤飯甕歌臘雪春農澤一尺我無寸術措
又安躡被

殊恩慮曠瘼嶺西歲豐幸無事大邦江漢調馭難堂前老
母開八秩含飴屬望無虛日

君親仰慰夙夜懷格天報

綠天書舍存草

卷六

九

帝慙無術楚天擊柝聲相聞辦香私願從今熏乞將治譜
教一一不敏請事書諸紳上以報我

后下以悅我親倘得綿綿啓後人公平愛我何其仁

登岳陽樓

忽枉天風送羽輪萬家城市一間身極天洲島迷離盡滿
地江湖浩蕩春後樂先憂天下事求田問舍陌頭塵高歌
應合神仙契欲問樓頭買醉人

小河溪道中

極目水粼粼山田過雨新舍和蛙鼓吹養潤犢精神碧浪
千畦玉東風一翦春使車行畫裏笑對陌頭人

辛未五月

內召入都馬朗山制府前輩鮑覺生學使偕諸同人餞別

卽席賦謝

萍聚曾無兩月緣前番輒脚又離筵

余四月初甫自五臺行在瞻覲回任

招涼館裏碧筩飲送客磯頭黃鶴仙駒繫情深今夕永燕歸痕認舊巢遷峴山開府誠非易差幸迂疎得釋肩

中秋泗州簡左刺史

補三首

余以八月初旬入安徽境適宿州靈璧各屬均以漫口黃水下注平地水深數尺遵陸多阻乘小舟

勘視

趨朝夢已到春明持節銜

恩復此行汴水驚濤三伏信

適權陳撫河流異漲報險頻仍幸未決壞秋風驛

路五湖情薪焚何術防川潰井竈安能與水爭愁聽波聲
響平野萬間廣廈倩誰成

僧伽塔影早滄桑

泗州舊治康熙年間沒入虹縣廢址改州城郭重新徙

舊疆塵甑千家如范叔金堤一手乞平當我方入境隨賓
雁君爲求芻受牧羊明月清淮相鑑照好將荒政副循良
扁舟演迤放城隅陸處人家半水居拮据巢痕憐似燕巢
嗟生計感其魚尋山欲鎖支祁骨起廢誰開葺蕩渠我欲
一杯酌明月狂瀾吸盡乞方諸

初五日曉起

蕊珠露下初曉羽節花開未明借問青衣舊侍幾年學會
長生

桂樹將花未放金爐待燼還然我欲相依紫府坐空明月大千